

Vg
1108

Handwritten mark



W. 208.

III, 787.


**Von der Unchrist-
lichen/ tyrannischen/ Inqui-
sition/ den Glauben be-
langend/ Geschrieben aus
Niderland.**



Wittenberg

Anno M. D. XLVI.

31



1700
BON DER BILDER
LIEBEN ERNENNEN
LIEBEN ERNENNEN
LIEBEN ERNENNEN
LIEBEN ERNENNEN
LIEBEN ERNENNEN

BRUNNEN
J.V. IX. G. CA. 1700



Handwritten text on the right edge of the page, partially visible.



Don der Vnchristlichen/tyran
nischen/ Inquisition/ den Glauben
belangend ꝛc.

In den Niderlanden
ist noch allwege grosse Persecutio
on/ der armen Christen/ vnd son
derlich hebt sich ein New vnglück
cke / mit der newen Inquisition
an / Sancta Inquisitio Hispanica
genant/ Damit alda auff al
len Predigstulen/ hefftig gedraw
et wird/ Vnd ist einer vom Papst/ aus zulassung
des Keisers dahin geschickt/ ein grosser Prelat/
welcher sich nennet/ Examinatore heretice pra
nitatis / Vnd beruget die Execution allein auff
des Keisers glück vñ Victorij. Gott der Almechtis
ge wol es gnediglich wenden/ Den es ist mit der
selben Sancta Inquisitio Hispanica/ ein graus
sam ding/ das man einen jeden Hohes vnd Nie
drigens standes Examiniert/ zu welchem man nur
Suspition oder argwohn hat/ Stracks ins Ge
fengnis geworffen/ vñ wo er schuldig befunden/
Ob er schon Prouocirt / jme dennoch Leib vnd
Gut nimpt/ Vnd die Inquisitores haben Dic
tatoriam potestatem / das man sich wider mit
worten/ noch wercken/ an jnen vergreiffen/ auch
von jren Sententijs nicht Appellieren mag.

Derhalben sitzen die armen Leute/ in Nie
derlanden/ in grosser angst vnd furcht/ Es wer
den etliche viel hundert/ in kurtzen das Land rew

men/ viel ehrlicher Leute haben auch alhie bey
vns herberge bestaldt/ Noch sol es Religion nis
cht gemeinet/ sondern etliche vngehorsame Für
sten &c. gestrafft heissen. Diese zeitung sind von
Antdorff geschrieben den xij. Julij im xlvj.

Ein Pfarher zu Antdorff/ hat dieser zeit ges
predigt/ vnd vngeserlich diese wort gesagt. Lie
ben freunde/ seid nur zu frieden/ jr solt balde has
ben die Artickel ewers Christlichen glaubens/
wie jr leben vnd euch halten sollet/ Gleich als
das vnser heiligster Vater der Papst mit seinen
Cardinelen vnd heiligen Vetern zu Trient hat be
schlossen/ wie denn solchs die Sancta Inquisi
tio ferner geben vnd ausweisen wird/ Vnd dis al
les (sprach er) sol gedruckt werden zu Löwen/
auff das jr euch wisset darnach zurichten vnd zu
schicken. *Dec illius verba.*

Item/ in dem Büchlin der Inquisition/
sind viel Artickel gantz vnchristlich vnd bescha
werlich/ vnter welchen dieser einer ist/ Nemlich/
das man in alle Densser gehen/ vnd fragen solle/
wie viel Personen darinnen wonen/ vnd einer je
den Person sol man geben ein Bleien zeich en/
vnd iren Namen auff zeichen/ vnd mit den Bleie
en zeichen/ sol ein jder gehen zur Beicht vnd Sa
crament/ denn sol man dem Pfaffen das zeich
en wider geben/ vnd die selben Namen aus thun/
Welcher aber nicht zur Beicht vnd Sacrament
Kompt/ des Namen sol bestehen bleiben/ vnd er
angegriffen verbrand/ vnd sein gut Confiscirt
werden. Es.

Es sol auch durch die Pfaffen in der Beicht die Inquisition geschehen/ das sie einen jeden fragen/ was er vom Bapst/ Beicht/ vnd andern Ceremonien vnd Satzungen halte zc.

Wer denn nu nicht recht nach irem wolges fallen antwort/ der wird von stund ein Hereticus gescholten vnd verbrand. Es sollen auch die Pfaffen in der Beicht nicht allein fragen vmb iren glauben/ Sondern wie es in iren Heusern zu gehet/ Vnd was ire Nachbarn thun/ ob sie auch oft zur Kirchen vnd zur Beicht gehen/ Item/ ob sie auch Deutsche bücher haben/ ob sie nicht bis weilen was lesen/ Auch was für Gesellschaft zu inen kome/ wo von sie reden zc. darnach faren sie fort mit der Inquisition.

So sie nu als Ketzer verdampft/ werden sie zum Fewr aus der Stad gefürt/ darzu sollen die Bürger verpflichtet sein/ das sie in den Strassen/ da die Ketzer hindurch gefürt werden/ Altar oder Taffeln mit Bilden/ Crucifixen/ vnd Lichtern/ bawen vnd setzen/ Auch vber laut ruffen/ Wette dieser Ketzer/ diesen vnsern vnd der heiligen Kirchenbrauch vnd Einsatzung nicht gestert/ so solt er stzund nicht verbrand werden.

Vnd zu beweisen/ das sie es nicht mit dem Ketzer halten/ solle ein iglicher Bürger ein stücke Holtz oder mehr auff den Wagen tragen/ oder lassen tragen/ vnd darzu sol der Bapst grossen Ablass geben/ wer am meisten Holtz den Ketzer

zu verbrennen gibt der sol am meisten Ablass ha-
ben/ Wer aber kein Holtz darzu gibt/ sol Sus-
spect vnd dem andern so verbrand gleich geach-
tet/ auch mit im nach inhalt der Inquisition ver-
faren werden.

Item/ viel andere grausame Artickel hel-
det die bemelte Inquisition in sich. Aber weil
der obgedacht Bürger/ der andern nicht eigent-
lich wissen gehabt / hat er die Pro certo nicht af-
firmieren wollen / Diesen obberuhrten aber hat
er gesehen/ gelesen/ vnd sey warhafftig.

Aus diesen vnd dergleichen vrsachen/ vnd
grawfsamen beschwerungen/ sey das arme kleine
heufflin der Christen zu Antdorff seer betrübet
vnd bekümert/ alle tage der Execution/ vnd bes-
melten Sancten Inquisition erwartende/ welchs
noch nicht gantz ins werck bracht/ Sondern als
lein darauff gesehen vnd gewartet wird/ bis sie
hören/ das des Kaisers victorj wider die Protesti-
riden angehe/ Als denn wil der Teuffel mit sei-
ner heiligen Inquisition herfur faren/ die armen
Christen zu martern vnd zu plagen. Der All-
mechtige Gott wende es gnediglich/ vnd erbarm
sieh vnser/ durch Christum seinen lieben Son/
Amen.

*Orandus Deus Pater Omnipotens, per Iesum Chri-
stum Filium unigenitum, ut suas Oues custodiat et des-
fendat, á lupis istis rapacibus, Amen, Amen.*

(X220 5368)







OK. 208.

III 787.

Von der Unchrist-
lichen/ tyrannischen/ Inqui-
sition/ den Glauben be-
langend/ Geschrieben aus
Niderland.



Wittenberg
Anno M. D. XLVI.

31

